

藝文編卷之九

古云文以載道又曰文章足以華國其足當此者殆必有德有言宣揚乎經濟之謨根底於學問之深斯足以行遠而為邦家之光而藝文難矣矧夫邊末一隅必求稟經酌雅足備立言之體又胡可得哉然

王言嘉謨化澤以宣自可垂休百世而觀風問俗不妨採夫里巷歌謠苟有合於邊謨足關乎土風體格既可無拘即遷客騷人之寄慨託諸山川景物者皆足以驗風氣之剛柔習尚之淳漓焉為旁搜遺籍凡詩賦記銘以及

議論之相關者畧類其世次而近時之作亦節取而並錄之以俟大雅之考証焉編藝文

御製

諭寧夏官紳兵民 康熙三十六年

上諭朕體天育物日以治安為念雖身在宮庭而心恒周四海
頃因指畫軍務不憚勤勞遠蒞寧夏無非為盪滌寇氛綏
乂生靈計也緣邊千餘里土壤磽瘠惟寧夏洪流灌輸諸
渠環匝巡覽所至甚愜朕懷夫農桑者衣食之本積儲者
殷阜之原爾官吏宜董勸父老子弟三時力田以盡地利
比屋勤殖以裕蓋藏縱使歲偶不登亦可無憂匱乏若夫
秦風健勇自昔為然其在朔方尤勝他郡爾等或職居將
中衛縣志 卷九 藝文 上諭 二
領或身列戎行尚各厲精銳以効千城禦侮之用斯國家
有厚望焉至於忠孝慈惠服官之良規孝弟齒讓生人之
大經法紀不可不明禮教不可不肅勿以地處邊陲而不
治以經術勿以習尚氣力而不澤以詩書總期上率下從
庶幾馴臻雅化茲乘輿返蹕距靈朔雖遠而睠念塞垣如
在几席爾等勤能敬體朕言將吏協恭兵民咸理生聚日
益厚風俗日益淳則疆圉寔有攸裨朕心亦用深慰慎勿
視為具文辜朝廷惓惓牖道之意欽哉特諭

聖祖仁皇帝御製平定朔漠告成太學碑

康熙四十三年

維

天盡所被覆海內外日月所出入之區悉以昇余一人自踐阼迄
今早夜殫思休養生息冀臻熙皞以克副維皇大德好生
之意庶幾疆域無事得以偃兵息民迺厄魯特噶爾丹阻
險北陲因此一方人既荼毒塞外輒狡焉肆其凶逆犯我
邊鄙虐我臣服人用弗寧夫蕩寇所以息民攘外所以安
內邊寇不除則吾民不安此神人所共憤天討所必加豈
憚一人之勞弗貽天下之安於是斷自朕心躬臨朔漠欲

中衛縣志

卷九 藝文 碑

三

使悔面革心故每許以不殺彼怙終不悛我師三出絕塞
朕皆親御以行深入不毛屢涉寒暑勞苦艱難與偏裨士
卒共之迨彼狂授首脅從歸誠荒外君長來享闕下西北
萬里灌燧銷烽中外又謐惟朕不得已用兵以安民既告
厥成事迺蠲釋青災潔事裡望為億兆祈昇平之福而廷
臣請紀功太學垂示來茲朕勞心於邦本嘗欲以文德化
成天下顧茲武畧廷臣僉謂所以建威消萌宜昭新績於
有永也朕不獲辭攷之禮王制有曰天子將出征受成於
學出征執有罪反釋奠於學以訊馘告而泮宮之詩亦曰

矯矯虎臣在泮獻馘又禮王師大獻則奏凱樂大司樂掌其事則是古者文事武事為一折衝之用具在樽俎之間故受成獻馘一歸於學此文武之盛制也朕嚮意於三代故斯舉也出則告於神祇歸而遣祀闕里茲允廷臣之請猶禮先師以告克之遺意而於六經之旨為相符合也爰取思樂泮水之義為詩以銘之以見取亂侮亾之師在朕有不得已而用之之實或者不戾於古帝王伐罪安民之意云耳

雍正八年四月十三日奉

中衛縣志

卷九 藝文 上諭

四

上諭古稱黃河之神上通雲漢光啟圖書禮曰三王之祭川也皆先河而後海此之謂務本惟

神澤潤萬國 福庇兆民自古及今功用昭著我朝自定鼎以來仰荷 神庥尤為彰顯或結為冰橋以濟師旅或淤成沃壤以惠黎元或湧出沙洲作天然之保障或長成堤岸屹永固之金湯他如濟運通漕安瀾順軌有感必應無禱不通至於澄清於六省之遙閱歷於七旬之久稽諸史冊更屬罕聞 神之相佑我國家者至矣朕敬禮之心至為誠切因念江南河南等處皆有廟宇虔恭展祀而河源

相近之處向來未建專祠以崇報享典禮壽舉行查河源發於崑崙地隔遙邊人稀境僻其流入內地之始則在秦省之西寧地方朕意於此地特建廟宇專祀

河源之神敬奉蒸嘗以答 神貺其如何加封神號及度地

建廟一應典禮著九卿悉心詳議具奏特諭

奏議

豁免屯糧賠累疏

明朱笈

臣伏讀皇上登極詔書一陝西沿邊及□廣等處軍民田地先年被賊蹂踐拋荒者及各處官民荒閑田地各該巡按御史勘實具奏該征夏秋稅糧戶部悉與蠲免及各處水崩沙壓等項民屯田地稅□負累軍民賠納曾經撫按官查勘明白具奏者該部即與除豁欽北臣有以仰窺皇上損上益下而軫恤民艱甚大惠也是故海內臣民歡欣鼓舞莫不翹首拭目願□□平之治謹以夏民負累屯糧

中衛縣志

卷九 藝文 奏議

六

疾苦瀝情上懇照得寧夏孤懸河外逼鄰虜巢地土硝鹼膏腴絕少而當時定稅遽擬一斗二升其後因馬缺料加增地畝草束賦日益重又其後河勢遷移衝沒良田遂至河崩沙壓高亢宿水荒蕪無影等項而田不得耕矣繼又加以雜差則挑渠修壩採草納料捲埽起塢等項而勞者弗息矣比先當事臣工不忍前項田糧苦累節經具題未蒙豁免由是歲無豐凶例取登足故糧有拖欠撒派包賠包賠不過勒逼逃竄逃竄不已則又摘丁補頂派自嬰孩年復一年以有限之丁受無窮之累馴至戶口流亾生齒

凋耗臣先任寧夏頂田軍餘見在二萬八千餘人每衛所開報逃亡輒為踧踏自臣去大同丁憂起復仍蒞斯土距今僅四年而逃移者又不啻五千餘矣屢經前撫臣招徠復業畢竟傷弓之鳥驚棲不定但聞清派相繼逃移遂使市井蕭條村落荒廢有不忍言者夫國保於民民保於食今罔念夏民賠累之殘傷而乃撻情於催科之殿最追捕負之稅者逐見在之民撒拋荒之田者毆安堵之衆臣不佞切有條陳民瘼之計先已行寧夏兵糧道僉事劉之蒙查報勘過河崩沙壓高亢宿水拋荒無影等田共一千六

中衛縣志

卷九 藝文 奏議

七

十頃三十五畝計征糧一萬二千一十石谷草一萬七千五百餘束地畝銀一百一兩折糧草銀四十三兩造冊呈繳到臣覆查間忽覩邸報因該兵科給事中劉鉉題為摘陳邊民困耗之狀懇乞聖明破格蠲恤荷蒙皇上勅下該部查勘臣竊私憂夏鎮素有江南之名惟恐泥於舊聞者見此蠲免必曰夏有水利稅不可免軍餉歲用額不可縮不蒙亟賜蠲恤輒復不識忌諱為皇上陳之夫夏方何為而敝也以差糧煩重之累也糧差何為而累也以塞北江南之稱也諺曰耳聞不如目見彼擬寧夏於江南者果經

歷其地而灼見乎亦使夏人冒魚米之虛名□□□之實
禍乎且江南財賦之地泉貨所通寧夏戎馬之區較於陸
海本相霄壤而顧有聲於寰宇之內自有小江南之名故
夏鎮塩引曾議增淮咸折而計部亦謂地饒糧賤藉口滋
駁故淮引不添浙引不減請給內帑亦不肯多發也臣先
任夏撫思為邊民告哀今奉查勘據該道勘實造冊前來
并勘實各項賠糧田地文冊一本進呈御覽伏望聖明勅
該部通將包賠糧草原額悉與開除其高亢等項量為減
征流民復業官助開墾待後地闢財豐漸次開復舊額一
以盡損上益下之愛一以昭聚人導利之公庶脫之湯火
之中而登之衽席之上無事必謹惟正之供有事必攄敵
愾之志臣所謂固護人心而保安地方者此之謂也

屯田議

明張鍊

自古英賢之君竒智之士當諸侯割據華夏分爭之代以
師行而糧從餽運不繼相其臨戎廣野使戍卒耕稼其間
耕而有獲以十一二輸官以十八九自贍由來以為良法
美意者屯田是也趙充國以二羌反叛廣田金城期年之
間使先零坐斃曹操以征伐四方屯田許丁墾荒積穀無

遠運之勞諸葛亮與魏掎嚴拒乃從容渭濱分兵屯田司馬懿畏而歛避鄧艾與吳為鄰開河渠灌田通於江淮大為伐吳之資嗣是歷世因之其法寢脩其利寢溥於今強敵陸梁非兵無以禦敵非糧無以養兵百計集兵千方足食而獨不及屯田者何也我太祖體國經野屯田徧天下而西北邊最多開屯之例軍以十分為率以七分守城三分屯種墾田之令邊方閑田許軍民開種永不起科限晦輸租者為額內之田不起科者為額外之田然法久弊生弊久法盡瘠田荒蕪不治腴田為豪強兼并為官校侵奪

為巧慧移邱易晦汨沒於田混亂於籍征輸徒有其名芻粟不為國用至於招商開市責令募兵墾田保伍屯聚視功力給牒予塩酌值初時上下同利今復為敝商蠱壞泥而不行然經界在田中開列在紙上非高遠難行之事無幽隱不可究之理但求憂國敏事之臣專任責成待以不次之位其規畫措置一切聽其自為直以期年為限使田額如舊課程如舊無占種影射包賠如舊隨處有田隨處行師芻糧如峙內省帑運外省民輸有卒徒將領以足兵有溝洫隴畛以助險有樹藝園林以護耕轉盼之間變荒

積為豐壤易流莩而樂康阜裕民足國未有善於此者昔唐德宗問李泌復府兵之策以兵多食少欲減京西戍兵泌請發左藏積繒因黨項易牛鑄農器糴麥種分賜緣邊軍鎮夏秋耕荒田而種之沃土久荒收入必多戍卒獲利則願耕者衆既因田致富則不思歸及戍期將滿下令有願留者即以所開田為永業家人願來者本貫給食而遣之是後收入既腴耕者願留家人願來變關中之疲敝為富强必之一言即日行之如彼其速即年獲效如彼其厚矧在今日大修屯政簡付得人今年舉之則明年報功決

中衛縣志

卷九 藝文 議

十

食其利矣其他籌邊遠畧十百千萬無如此事為急務也

鹽法議

夫食鹽山澤自然之利天地所以養民也上古無征近古薄征以佐國政要在先不病民而後利國為可貴耳關中食鹽一出於河東一出於花馬池一出於靈州一出於西漳靈州西漳去三輔絕遠專供靈夏洮岷西北兵民之用無容議矣花馬池鹽北供延慶平三府寧榆二鎮南與河東鹽并行於三輔間河東鹽上下公行謂之官鹽花馬池鹽私自貿易謂之私鹽民間便於私鹽而不便於官鹽者

百年於茲矣必欲行河東官塩其弊有四蓋行塩郡縣各有分界所司徒知紙上陳跡河東塩行三省不可越縮若究其實在山西河南未知何如其在關中自長安以西河東美塩絶跡不至間有至者皆泥滓苦惡中人不以入口惟耕夫寡婦黽勉食之計其所售無幾也名雖謂行其寔未嘗行之一也往來商人慮惡塩不售告發郡縣使所在輦運外加樣塩包封印記之及以給民封者自佳輦者自惡唱戶分塩畏若飲鳩計賤征價峻於正稅今雖暫止既為故事恐不能已二也商人賣塩與販夫隨以小票塩

盡票不收毀官塩不至西路則無票無票則通責店肆負販細人請東人自買未毀之票繳官公人亦幸免責不問由來互相欺抵三也買票日久奸人依式私製盜賣僥倖者冒利敗露者破家雖有防禦迄今未已四也必欲禁花馬池私塩其弊有五關中民貧衣食驅遣賦稅催切磬家所有走北地販塩計謀升斗之利一為公人所獲則身入陷阱家計盡空一也貧人既為囚繫內無供餽冬月多斃於獄考驛遞囚帳塩徒居半死者又居強半民命可恤二也小販懼捕結聚大夥經山谿要隘偶遇公人勢強則抵

敵勢弱則冒險奔迸投崖落澗人畜死傷塗地三也公人與有力慣販者交關終歲不捕反為導護惟單弱貧瘠者捕之或以升斗惡塩強入路人筐袋執以報功使無辜受害四也衆役工食悉有定例惟巡捕工食私幫公費歲增十倍官吏比銷徒御勞瘁動經時月候文曠職旅食空囊或罰或貸俱為無補五也夫物力不齊物之情也好美惡惡趨利就便民之情也所欲與聚所惡勿施哀多益寡因俗成務司國計者之情也以物力言河東舊商帶支坐困新商起納無幾澆晒徒勞增課未減公私俱稱歉矣河東

一池雖差大供三省則不足花馬二池雖差稍小供三郡二鎮則有餘自然之勢也以人情言河東塩百方督之使行至以泥沙勒售假票甘罪而終不能行花馬池塩百方禁之使不得行至於比屋破產接踵喪生而終不能禁者民之大欲大惡不可強也以國計言河東歲課一十九萬有竒花馬二池歲課不盈數千河東引三錢有竒二池塩一石六分有竒如是相懸者意河東與天下自祖宗朝俱有定額由來久遠二池迫近塞垣棄取不時故課亦微妙後來因循取足原辦而止耳夫河東塩既不能及遠三池

塩卒不能□民間又不可一日無塩而盜買盜賣終非常
理今當直開二池塩禁使西鳳漢中沛然通行計三府所
當常食河東塩一十二萬有竒歲課即照河東責三府代
辦以其事權統歸河東巡塩御史則達觀無異督禁有程
兩地歲征四鎮年例保無纖爽而關中可少事矣夫居害
者擇其寡□利者取其多倘今不弛二池塩禁則愚民被
逮供餽為□罪贖為費奸人騙詐為費兵民歲增工食為
費官吏比銷為費一切顯隱猥雜不可會計財足抵河東
花馬二池二課出於千瘡百痛徒然費之而下殘民命上

損國體□□殃也倘今一弛二池之禁則愚民被逮供餽
可省罪□□省奸人騙詐可省歲增工食可省官吏比銷
可省一切□隱猥雜不可會計財足抵河東花馬二池正
課出於不識不知漠然省之而下活民命上全國體又餘
福也夫人情不甚相遠比聞塩法侍御皆一時英碩表表
長者使其聞見悉如關中人習知利病則亦何憚而不為
良處哉但其受命而來也惟以行官塩禁私塩為職而□
是則駭矣地非素履事未前聞雖聖人有所不知渚何□
遼望改易其常耶雖然安國家利百姓大夫出疆義□□

理從長議政從便人心不昧因革有時此又關斯民之幸
不幸也

論

馬政論

□ 趙時春

天有天駟天子有牧僕之職自軒轅以來墳典經史不絕書逮周始詳穆王征西戎責以不享在今平涼之域而八駿皆是物也孝王命秦非養馬汧渭大蕃息宣王中興比物閑則北至太原南平荆蠻大蒐鄭圃皆以車馬之勝為言秦烏羸谷量牛馬郎烏氏人而漢文景時阡陌成羣六郡良家馳射是利馬援之邊郡田牧數年得畜產數萬唐人養馬亦於涇渭近及同華置八坊其地止千二百三十

中衛縣志

卷九 藝文 論

十五

頃樹苜蓿苽麥用牧奚三千官僚無幾衣食皮毛是資不取諸官蓋合牧而散畜之牧專其事不雜以耕而太僕張萬歲王毛仲官職雖尊身本帝圉生長北方貫歷牧事躬馳撫閱無點集追呼之擾科索之煩順天因地馬畜滋殖萬歲至七十萬六千毛仲至六十萬五千六百有奇色別為羣號稱雲錦地狹不容增置河西史贊其盛圖傳至今夫豈有他術哉法簡而專誠而不二故也元宗既以嫌誅毛仲後遂以付安祿山祿山統北方三道又使兼掌京西牧馬地既隔 越而職守難專以匈胡叛逆覆用蹂踐唐

室其餘存者猶足以資肅宗之中興憲宗命張茂宗監牧
茂宗不能遠畧乃籍汧隴民田人爭言其不便牧事遂廢
唐亦喪亂由此言之人事得失馬政盛衰益昭然矣自宋
以來馬藏民間涇原為邊重鎮日不暇給然頗貿易番馬
以給戰士金元悉從民牧兵興隨宜取用官以無事皇朝
遠稽周唐大振馬政自大將軍得李思齊李茂之騎繼破
王保保擄馬駝雜畜數十萬御史大夫丁玉涼公藍玉四
征西番部族悉服乃製金牌合符番人以馬充差朝廷以
茶為賚體統正而名義嚴馬日蕃庶始置宛馬寺聯以監

苑巡以御史日久法弛宏治末年遂命都御史楊公一清
董治之公振肅紀綱增置官屬蒐括墾田益市民馬一時
觀美然三年二駒其計利深矣數年之後所利不補所費
何哉豈非官多牧擾法煩弊生縉紳衣錦難禦邊塞之風
霜而肩輿騶從點集追呼非孕字重累之所能堪乎且牧
地十七萬七千餘頃養馬一萬四千餘匹牧軍兵三千三
百餘人田重牧輕皮肉收銀三兩有奇公用銀三千餘兩
責之三千三百人物輕輸重每歲各入賀督監參謁不絕
遷代歲月繁促南北習俗異宜道路往來勞費牧人之不

支如此州縣地不踰二萬頃為糧站徭二十餘萬輕重之相懸如彼嘉靖三十七年平涼通判嘉定陳應詳舉籍平固以比皆為牧地民村落室廬皆度為牧代之養馬償駒遂號二稅按制先定州縣田稅後以隙地為牧本自相間安得齊一應詳務虛名而民重被病牧既少獲種馬日削責民間市馬吏緣為奸民不堪命矣世之君子其思有以善後哉今粗舉其大端云

記

河源記

元 潘昂霄

河源在吐蕃朶甘思西鄙有泉百餘泓或潦水沮洳渙散
方可七八十里且泥弱不勝人跡近觀弗克傍立高山下
視燦若列星以故名火墩腦兒譯言星宿海也羣流奔湍
近五七里滙二巨澤名阿刺腦兒自西徂東連屬吞噬廣
輪馬行一里程迤邐東鶩成川號赤賔河二三日程水西
南來名亦里出合赤賔三四日程水南來名忽闌又水東
南來名也里術合流入赤賔其流漫大始名黃河然水清

中衛縣志

卷九 藝文 記

十八

人可涉又一二日岐裂八九股名也孫幹論譯言九渡通
廣六七里馬亦可渡又四五日程水渾濁土人抱革囊乘
馬過之民聚部落糾集木幹象舟傅毛革以濟僅容兩人
繼是兩山岐束廣可一里二里或半里深莫測矣朶甘思
東北鄙有大雪山名亦耳麻不莫刺其山最高譯言騰乞
里塔即崑崙也山腹至頂皆雪冬夏不消土人言遠年成
冰六月見之自八九股水至崑崙行二十六日程河行崑
崙南半日程既又四五日程至地名濶即及濶提二地相
屬又三日地名哈刺別里赤兒四達之衝也多寇盜有官

兵鎮防崑崙迤西人簡少多處山南山皆不穹峻水亦散漫獸有犂牛野馬狼狽羴羊之類其東山益高地亦漸下岸狹隘有狐可一躍而越之處行五六日程有水西南來名納鄰哈刺譯言細黃河也又兩日程水南來名乞兒馬出二水合流入河河北行轉西至崑崙北二日程地水過之北流少東又北流入河半月程至貴德州地名必赤里始有州治官府州隸河州置司吐蕃等處宣慰司所轄又四五日程至磧石州即禹貢磧石云

重修中衛儒學碑記

明吏部尚書三原王恕撰

中衛縣志

卷九 藝文 記

十九

中衛在大河之西乃前元應理州地也左連寧夏右通莊浪寔邊陲之要路元命既革州廢久矣衛則創建於國朝洪武三十二年武備孔修足以攘外安內學校未設人鮮知禮寔為缺典正統四年英宗皇帝在位從本衛所鎮撫陳禹建議始設學其學設在本衛城內東北隅自是以來詩書禮樂之道興絃誦之聲作諸生學有成效出其門而為國用者彬彬矣武夫捍卒接於見聞亦知禮義廉耻之可尚而風俗為之一變矣其後巡撫都憲徐公以學校乃育賢之地教化之源宜居中正文明之地不宜設於偏隅

之所失其具瞻乃命本衛改建於通衢大街之前左廟右學如制但地步窄狹其上建明倫堂四楹兩齋各六楹而庖廩號房無地可建以其右為保安寺所限而未恢宏也宏治己未本學訓導李春賈茂章申白都御史王公珣僉事李君端澄委本衛指揮馮泰撤其寺宇去其墉垣以其地并於學然後豁然廣濶可以展堂齋而建庖廩斯時也叅將左君方分其地乃曰學校亦吾當為事也於是悉心經營一應供料皆其措置委本衛鎮撫吳昭董其事晨夕展力遂移明倫堂於厥中增建神厨神庫各四楹號房三

十六間門二座庖廩器備亦無不具功已九仞所虧者一級而已左君去任其功遂寢正德丙寅叅將馮君正來代蒞任初謁廟視學環視前後左右曰此未完之功也吾當整理乃區畫工料委千戶曹紀完其所未完增其所未有又樹牌樓二座於學之左右從茲學廟殿堂如跂斯翼如矢斯棘如鳥斯革如翬斯飛兩廡兩齋厨庫號房庖廩器具亦莫不整飭完美渙然一新軍民改觀師生欣忻而感激奮勵矣訓導李澐述其建置修造顛末具禮幣遣軍生梁材黃聰不遠千里而來謁余以記是請嗟夫禮義由賢

者興事功由能而有力者建觀其建議設學與夫遷徙增修諸君子非賢而能且有力者能若是乎是皆可書以告夫來者使之有所觀感嗣而葺之不至廢墜可也抑又念之曰諸君子作興學校如此者無非欲爾一方之人知禮義盡人道為子者孝為臣者忠為師者勤教為子弟者勤學各底於成材為官者撫恤士卒凡遇戰陣以身先之荷干戈者勇為戰鬪毋自畏縮俾醜虜知懼不敢侵侮則幅幘可固凡為士農商賈者各安業守分不相凌犯則身家可保斯惟皇家設衛建學之意否則未免憂虞而厥咎至矣可不勉哉

中衛縣志

卷九 藝文 記

二十一

美利渠記

霑化知縣 王業 郡舉人

寧夏鎮之西南三百里建置中衛黃河自蘭靖來過中衛直流而北昔夏人鑿渠引河水灌田世享其利人言黃河獨利於夏職此之曲也中衛有蜘蛛渠即今美利渠長亘百里經始開鑿志遺莫考按鎮之唐來漢延等渠志載拓跋氏據夏已有之矣元世祖至元元年藁城人董文用為西夏中興等路行省郎始復開濬邢臺人郭守敬為河渠提舉更立牌堰今兩壩皆其遺製工作甚精則蜘蛛等渠

之間或皆董郭二公為之也中邑屯田幾二千頃歲征公稅二萬有奇寔藉水利以足公私邇來河流背北趨南渠口高淤水莫能上衛人蹙額相泣曰有渠而不得灌溉之利與無渠同也屢嘗請告改濬前撫憲數公咸洞民隱集議區畫俱以工役重大惜費中止但令因仍挑濬無繫緩急衛人蹙額又相泣曰徒濬而不為改易之舉與不濬同也嘉靖壬戌夏中丞毛公奉簡命撫夏籌決通明應變如響法重大體政先急務衛人以前事告請公愕然曰民賴稼穡以生水利者稼穡之源也水利弗通民何以生夫因

中衛縣志

卷九 藝文 記

二十二

勢而導治水之法也所欲與聚體民之情也是誠在我即行兵糧道臬僉謝公移檄改濬委叅將傅良材防衛綜理屯田都指揮張麟圖提調寧夏前衛指揮王範職管工本衛指揮何天衢馮世勲職贊襄命丁三千人以赴工申令筮吉剋期會集省試有方勸懲有法趨事者有歡聲無怨色也甫月餘而渠成渠口作於舊口之西六里許肇工於壬戌歲九月七日竣事於十月十有六日渠濶六丈深二丈延袤七里復入故渠口設閉水閘一道六空旁鑿減水閘一道五空報完毛公欣然喜曰吾民其永賴以生矣遂

易名曰美利蓋取乾始美利之義斯渠一通不獨可以足食而沮虜之勢亦有藉焉力少功多暫勞永逸基雖因舊制寔增新改濬之功加於創建是役也上不妨政下不病農財無糜費民無苦勞凡毛公之所規定而謝公能恪承之者也衛之父老士夫懽欣舞蹈具書不敢忘欲紀厥事為不朽計介生員芮景陽來囑記於致仕知縣王業業不敢辭拜手颺言曰大臣有功德於民為民所歌頌勒之貞石為後世法禮固宜也書有之民罔常懷懷於有德夫為民興利謂其為仁人非耶紀其事而弗忘謂其為常懷非

中衛縣志

卷九 藝文 記

二十三

耶小民難保若此者非偶然也惟我毛公撫夏未期年百廢具舉夏人歌頌不忘豈惟水利一節已哉邊事安寧且入贊皇猷斟酌元氣殆將以美利利天下矣紀之太常載之國史可跂而待而謝公亦必踵芳濟美俾天下後世並揚休聞是又業小子所深望也毛公名鵬號雙渠直隸棗強人丁未進士謝公名莆號南川山西代州人庚戌進十敢併記之

改修七星渠碑記

副使 譚性教

寧鎮迤西三百六十餘里為中衛西路東控銀千北制邊

夷西南鄰松山青海諸虜支蔓根連此欵彼犯實逼處我
墻下遞起為難非若他路耑意一面比也頃因遼左告棘
大司農全餉專注於山海軍士守此者既難望關中輪轉
而商人寔粟塞上又以鎮城分給百分之一率下戶不瞻
則惟賴有黃河威寧諸堡屯田租耳自非屯政修舉則憂
不在虜且在軍矣威寧舊有七星渠荒淤歲久塍溝圯塞
加以山水自固原奔馳而下洶湧澎湃歲為渠患膏沃之
壤化為藜蕪徙丁補賦頓減屯籍之半大中丞焦公天啟
丁卯秉鉞茲土慨然曰有能任此者吾且顯著其績以酌

中衛縣志

卷九 藝文 記

二十四

檄下道府遴委將弁議經費商工役度地形乃據西路同
知韓洪正屯田守備王光先所條上諸欵衷議以聞以百
戶李國柱劉宰分督之而專任韓郡丞綜其事謂舊渠口
上石剛且頑奈何強之以水於是移鑿近三里許河益尊
善下岸益謙善受濶四丈五尺深八尺河行於鑿口三里
許地勢復高舊三空閘旁濬隙地十五里深濶如前入寧
安故道中散者聚迅者折亢者夷瀦者洩中間為宜民間
五空閘銅錢埤塩池湖九四道站馬橋貼渠橫河埤九二
道委曲輸馮自口至□□一百里至鳴沙又七十里浩浩

蕩蕩以次下於田支分脉析注玉濺珠浮塍貫晦其山水
為患者遡渠上五十里古有北水口淤塞故徙而東注北
口近河石梁為梗故逆而上壅則鑿中石梁四十七丈深
九尺濶一丈六尺下石梁五十三尺深二丈濶倍之水引
入黃河東壩壑口疊築崇堤底濶十丈頂濶三丈五尺高
十一丈縱橫百步障濤砥瀾不使患渠是役也自三月上
浣迄五月九三閱月而竣用軍民工役凡三千二百五十
人若匠若器取諸官若柴若木供諸堡軍夫邊今上登極
賞至軍咸悅使民夫則出於本堡民自供給借於外堡者

計日給廩凡用官帑二百餘金較始議省夫役三千餘省
金錢一千餘闢荒梗萬餘頃咸得耕穫西路父老懽呼稽
額曰今乃得免於死徙以食土之毛也吾儕小人為山河
所虐不享渠之利者十數年矣囂囂訾訾咸以工非二三
年莫成費不數千金莫成役非萬餘莫成今事半而工倍
且速若此雖有暴浪驚濤堯年之水不能越峻堤而衝渠
腹雖有火雲旱魃湯年之暎吾且沐浴膏澤霑餘潤焉昔
史公決漳灌鄴斥鹵主稻梁人頌德稱聖與西門並傳中
丞治渠溝洫繡錯豈止利民足國且以禦虜南牧功奚啻

倍蓰也焦公行矣願及公在賜言以勒不朽不佞性教承
乏司餉疏鑿之役愧無能效胼胝為父老先幸藉告成事
以追甘棠之蔭與夏人同庇焉我輩懷德矢報尚勤其築
濬歲歲無怠庶焦公之汪濊與黃流俱永乎公諱馨號衡
芷山東章丘人辛丑進士撫夏甫及一載所與釐皆百年
大計如止遼戍賞戰功疏水利繕邊防程材官功德更難
僕數此特其惠西路之一事云

重修中衛文廟碑記

管律郡人

夫子之道在天下也用之則昌背之則亡嗚乎曷若是其

中衛縣志

卷九 藝文 記

二十六

獨神乎蓋其傳即堯舜禹湯之所授受原於天同乎人也
維夫子藏往知來通元信古刪詩書繫易辭作春秋定禮
樂然後二帝三王之為聖也愈尊人之去夷狄禽獸也愈
遠雖歷秦漢晉宋齊梁陳隋之世遭竒險怪妄之徒叢生
浪起妖詞幻術彌滿四方卒不能亂其經民到於今賴之
是故獨覺其神矣所以崇德報功自古有天下者未嘗不
加之意仰惟我皇明以文教淑海內故秋祀益嚴廟貌益
廣遐方僻邑靡有或遺茲中衛其一也衛設於洪武三十
一年其治隸寧夏道鎮城三百六十里正統四年詔從所

鎮撫陳瑀請許建廟立學創於城東北隅成化十一年巡撫都御史羅山徐公廷璋慨規模簡陋檄叅將張公翊擇爽塏改建於茲南為櫺星門中為戟門北峻層廉巍然為大成殿翼東西為兩廡凡百餘楹始脩法制學舍居右焉嘉靖二年秋叅將周公來領戎政進謁禮成見摧毀日甚興嘆移時越明年甲申軍賓武脩笳鼓不競乃捐己資為棗棟瓦甍丹鉛髹漆之費鳩工掄材躬省厥事於是直欷葺撓補缺寵隘維圖永堅雕木琢石絢綵縷文維圖妍細垂旒穆穆聖姿如存列侍雍雍請益儼若廟與貌視昔皆

加盛而鮮倫矣觀者改目是役也起於二月丁卯訖於五月庚午公素稱儒將稔動縉紳觀此信足有徵也已教授宋君訓導劉君寓書遣生員沈子潮來請記意在昭遠以告來也論者或曰尊夫子之道顧廟貌之崇卑規模之廣狹疑不與焉維耳聽目視手持足行心存思出絕不干禮之非者則人人夫子矣其尊之也不亦切乎雖然外瞻弗具敬何以生內主弗敬禮何以復且夫子之靈與日月等無物而不照臨與天地同無物而不覆載廟貌之誠無遠而不可忽也况中衛居邊陲要害之路東矚大河西連龍

沙自元魏以還竊據於偽夏元雖置應理州猶為夷服今雖復華實臨虜孤立乃巖險用武之地苟不先之以俎豆之事則強而無義勇而無禮何以責親上而永孚於休是廟之修也烏可緩哉彼為師生父老者當砥礪周公重道崇儒之美其必先踴躍以倡衆務復禮而以切於尊夫子者為志務主敬而以試祀夫子者為心使荷戈執戟之士咸諳夾谷之情則風俗醇治化洽堯舜禹湯文武雍熙之盛不難臻矣孰敢以金革之鄉視之是不可以不記叅戎公諱尚文長安人教授君諱廉臨穎人訓導君諱雲漢汾

中衛縣志

卷九 藝文 記

二十八

州人嘉靖四年己酉仲冬立

續修文廟碑記

鄭元吉

自三代時有學而無廟既祀孔子以後道歸於一言學而廟賅焉習禮樂於其中養人才於其中蓋有不可以偏廢也中衛縣舊有學在城東北隅始於前明之正統四年至成化十一年巡撫徐公廷璋以規模狹隘改建於茲撤其舊而新是圖美哉輪奐始基之矣自明至

國朝屢建屢修郡人管律紀之甚詳乾隆二十二年前宰黃恩

錫補修後閱歲月者八十餘年廟學又以將圯

元吉以己

亥秋初來宰是邑下車謁

至聖先師行釋菜禮於是周覽廟學門廡內外實闕以嚴而慨共宮牆未修丹雘未墜徘徊久之心惕然而不自安因躬為計其工程稽其出內促其程限助其督催凡椽棟之撓腐者撤而更之楹桷之傾欹者柱而正之周垣之圯廢者築而新之瓴甌之疏漏者增而密之殿廡深邃臺陛恢宏門戟清嚴階鋪砥立丹漆黝堊煥然一新蓋始於庚子初夏而成於辛丑仲春經營累年用金錢萬有奇蓋官與士民合力樂作有同心焉邑人以衆工畢完請元吉記勸

中衛縣志

卷九 藝文 記

二十九

勸其事者教諭李賡廷前署教諭褚裕智巡檢俞仁育典史沈烜勸捐者舉人蓋竒文武舉呂元龍督工者生員王重英監生張玉璣客紳周沛其捐貲之數則合邑士民皆來助役故以脩書於石

重修中衛學碑記

周于人 衛人

衛居乾維地頗荒僻廟學之設數十年所而文未之不振聖教遠被於覆載之所及如日中天如水行地無地不照無處不流而吾人皆得藉其光以自暴挹其情以自潤也豈以人遠地僻阻哉第廟貌弗嚴法制未脩無以娛觀瞻

之目而興企慕之懷官斯地者職掌謂□豈忍視歲月遷
易風雨漂搖棟宇傾圯弗莊垣墉卑削弗峻耶叅戎于公
來鎮守是衛始至謁先師廟退覽學社視其狀甚懼無以
稱朝廷建學育才之意即捐俸四十兩以為倡易買木植
區處磚石不病公帑不擾百姓若殿則易其梁棟加以彩
色若戟門櫺星門則改建高爽若泮池則廣濶之圍以石
欄若明倫堂齋廡增飾舊規輝煌新制斯時適錢公下車
之日亦遂欣然資助而鄉官貢士闔學師生各捐貲供共
成厥美今煥然改觀盖前此未之有也工始於萬歷丁未

中衛縣志

卷九 藝文 記

三十

夏四月訖於冬十月師弟子請予為記曰兩公之修廟學
所以養士也士亦知自養乎使讀聖賢書不知行聖賢事
不有負於作養之厚意乎如吾鄉呂仲木馬伯循文章政
事表表海內為一代名臣亦其自養者厚也諸弟子肯以
聖賢自待畏敬存心入泮宮如步杏壇洙泗瞻廟貌如見
至聖大賢仰師孔子果如其時中乎尚友羣賢果如顏之
仁乎曾之孝乎賜之達由之果乎如此則學聖賢之學心
聖賢之心人即聖賢之人今之廟學即古之鄒魯古云地
靈人傑吾云人傑地靈行將有得於天地正氣秩高科登

顯仕者濟濟輩出俾國家享其利生民蒙其澤近之功著一時遠之名垂千古斯無愧於為士矣其勗諸錢公諱通元城人于公諱翔儀天城人萬歷三十五年十一月記

鳴沙州重修城隍廟碑記

潘九齡

夫神者陰陽莫測之謂匪神則物無生矣至於聚一方之民而為此高城深池以居之實非一物之可比也謂冥冥之中獨無所主之者哉雖然三代之前城隍之名不經見自唐李陽冰作城隍廟記後世始聞焉實土神也我

太祖高皇帝奄有天下為百神主附山川壇祀之洪武元

中衛縣志

卷九 藝文 記

三十一

年加之以爵府曰公州曰侯縣曰伯至三年春革之是年夏六月詔各處城隍廟屏去雜神其貴之也尊而專矣尋又定廟制如公廡以泥塗壁繪以雲山在兩廡者亦如其宅也清而秀矣又詔守令之官俾與神誓故有監察司民之封其信之也篤而深矣今寧夏有廟遵具制也而鳴沙古州之地亦遵制以設焉肇自景泰初年至正德十二年丁丑悟秀觀其狹陋重加修拓募緣於鄉好為善者施各有差建棚五楹兩口一十二楹苟完而秀入槃矣嘉靖十年辛卯鄉人陳珍陳瑤施財修飾未就至嘉靖三十六

年有珍之子曰廷訓者慨先人未釋之善心鳩聚物材工始於春正月告成於夏四月丹雘鮮明猗哉一方之具瞻廷訓偕鎮人張子文錦徵記於九齡按秩祀之典有功者無不報然則城以衛民隍以衛城厥功匪細崇乎其祀禮偉乎其廟貌矣夫豈邇耶況四境之內日岳風暢雲行雨露利益皆其所澤馬牛穀菽水火桑麻材用皆其所產福善禍淫聞幽燭隱休咎皆其所司是靈應於一方泰矣而信乎感格之不爽者則又無間於上下之心凝真夢記是可徵也齡不辭並以神之名號祀之從由勒之石用以告

中衛縣志

卷九 藝文 記

三十二

後人知所敬信焉

鳴沙州重修安慶寺碑記

張應台

先儒謂教化衰微凡所以修身正心養生送死舉無其柄天下之民人若饑渴之於飲食苟得而已當東漢季運釋氏以其道鼓行之焉徃而不利無思無為之義晦而心法勝積善積惡之誠泯而因緣作空假中則道噐之云戒定慧則誠明之似至於虞祔練祥春秋之儀不競則七日周年追薦刼化之說亦隨而進流晉宋而益崇涉齊梁而大盛率天下以從其教擬王者以闢其居故至今未嘗廢也

夫王者懸賞以勸天下之善立罰以禁天下之惡天下尚
有不信從歸依之者釋氏以空言倡化凡無王公無士民
無高卑貴賤莫不信從歸依似有善不待賞而勸惡不待
罰而禁豈不謂王化之裨益乎若鳴沙州之有安慶寺古
也臨河面山幽幽秩秩寰區城市之中雖不得與牛首鷄
峰爭盛而宏深寂閭可謂邊徼之一佛場也宏治以迨正
德間太監來公先慶定王似續以修葺復大其規益增其
盛概矣至於嘉靖四十年坤道弗寧震動千里山移谷變
寺宇傾頹慶國主暨世殿下聞之曰佛教實王化之裨益

中衛縣志

卷九 藝文 記

三十四

胡可廢耶今安慶寺之圯壞於此不修則鳴沙一方之佛
教將蕩墜矣吾可愬然乎哉乃發藏捐祿特降睿旨遣承
奉王勳往董其事勳亦竭盡心力仰答國主盛意夙夜勤
厲掄材飭工先建山門佛殿俾將將嶷嶷瞻禮焚修有所
立鐘鼓二樓而昏晨司叩則暈飛鯨震號令羣錙焉至於
禪堂僧舍靡不脩舉使晦明興息風雨罔迷將許儀支範
可以攸宜於茲復繚以崇垣樹以林木而幽邃牢密豈不
視昔愈加壯麗哉茲寺重修庶鳴沙州一方之佛教不廢
慶國主裨益王化之心可以少慰矣是役也肇於嘉靖丙

寅越一歲隆慶丁卯勲乃報成慶國主令應台操觚以紀
其始未云

中衛縣志

卷九 藝文 記

十三
四

慶府重建鳴沙州安慶寺永壽塔碑記

浮圖氏自漢□夢始入中國歷代相衍稽藏宗門秘法三乘本空之信無為而成蕩蕩乎難名者世稱為西方大聖人蓋倡教化雖有殊途無非修德飭行敬天保民默佑國祚也我太祖高皇帝混一寰宇分建茅土冊靖祖開國西夏覽蘭河勝景追涉古跡崇建寺廟竊謂孤懸朔鎮入望龍沙欲維繫人心歸於善善之地且崇文重道啓頑化俗誠屏翰英明遠意也鳴沙額設祿田軍校恒產之地創有安慶寺壯麗規模一方頂禮我列祖明德恤祀重修葺香

中衛縣志

卷九 藝文 記

三十五

火綿延嘉靖四十年震劫梵宇寶塔傾圮獨中殿大佛儼然未動若有靈光感應住持洪林頗有僧行具啓父王發慈悲心捐祿掄材命官董事善顛景從悉輸資力越歲金碧輝煌殿廡宏朗偉然改觀也即下令有司撰文立碣緣寶塔乏匠年久未建予心早夜靡寧自隆慶三年以來屢施營膳之費工程浩大未易速竣萬歷八年三月上旬告完僧復乞塔名改曰永壽計尋一十四級風鐸玲瓏倚雲突兀可以對小西天第一峯上紹父王功德下祈民物豐亨仰答天地神明祝延皇圖聖壽是役也善哉若鑒臨如

慶府重建鳴沙州安慶寺永壽塔碑記

浮圖氏自漢□夢始入中國歷代相衍稽藏宗門秘法三乘本空之信無為而成蕩蕩乎難名者世稱為西方大聖人蓋倡教化雖有殊途無非修德飭行敬天保民默佑國祚也我太祖高皇帝混一寰宇分建茅土册靖祖開國西夏覽蘭河勝景追涉古跡崇建寺廟竊謂孤懸朔鎮入望龍沙欲維繫人心歸於善善之地且崇文重道啓頑化俗誠屏翰英明遠意也鳴沙額設祿田軍校恒產之地創有安慶寺壯麗規模一方頂禮我列祖明德恤祀重修葺香

中衛縣志

卷九 藝文 記

三十五

火綿延嘉靖四十年震劫梵宇寶塔傾圮獨中殿大佛儼然未動若有靈光感應住持洪林頗有僧行具啓父王發慈悲心捐祿掄材命官董事善顛景從悉輸資力越歲金碧輝煌殿廡宏朗偉然改觀也即下令有司撰文立碣緣寶塔乏匠年久未建予心早夜靡寧自隆慶三年以來屢施營膳之費工程浩大未易速竣萬歷八年三月上旬告完僧復乞塔名改曰永壽計尋一十四級風鐸玲瓏倚雲突兀可以對小西天第一峯上紹父王功德下祈民物豐亨仰答天地神明祝延皇圖聖壽是役也善哉若鑒臨如

在致敬而遠罔諂於淫聖經之訓又當以警世也予□
嗣藩日持揚厲□不能飭□百廢茲觀續成之□深慨創
建之難并書以誌歲月云萬歷庚辰仲春望日

皇清分巡寧夏道鈕公生祠碑記

自古名卿大夫宣猷布化保釐一方能為民捍大患而興大利其德澤足以垂千百年而無窮至於百姓謳歌思慕而不能忘為之建立祠宇以祝嘏稱壽於無□史冊所載遙遙有之昔蘇老泉撰張益州畫像記述張公之撫綏蜀民與蜀民之感戴思慕不能忘公至肖其容貌於祠以傳永久俾子若孫世世瞻拜而頌禱之者甚詳讀老泉之文雖千百載之下如見張公也吾巡憲鈕公開懇白馬灘之後櫛風沐雨勞不乘暑不蓋三年而功成其事與張公異

中衛縣志

卷九 藝文 記

三十七

而所以施惠吾民享樂利之澤安耕鑿之天者其功德同也邑之人士聚而謀於衆曰今之渠□洋洋灌溉不竭者孰䟽導之長橋卧虹飛槽而渡者孰□□而疆理之皆吾公之所賜也公之德在吾寧尤在吾衛食我農人以及子若孫將何以仰報吾公哉盍建祠以祀諸又有謀於衆者曰祠之宜矣公之精神心血殫瘁於茲□□年衆慮其功之未必成也而嘖有異議公毅然任之不為撓阻庸底乃績鬚髮為白肖公像於祠使我子若孫食德於千百年者瞻公貌如見公之心永□□於不朽也乎衆皆曰然環

跪以請公不許塑工竊視有得翌日而像惟肖望之儼然
公弗能止順民情也蔽芾之詩不云乎蔽芾甘棠勿剪勿
伐召伯所茇夫召伯循行南國或舍甘棠之下民思其惠
而不忍忘以及於樹矧公積瘁三年寢斯食斯其為甘棠
大矣民其忍忘乎塑像以祀亦猶蜀人之於益州也與吾
儕士民愧無老泉之筆謹記顛末聊撰俚頌以擬甘棠之
歌曰大河之東沃野高隆引水鑿渠阡陌以通孰疆理之
厥惟我公勻勻原隰禹甸之功於鑠功成千夫畚鍤渠流
洋洋隄崇巖巖廬井田禾萬民樂業口碑不磨青銅之破
中衛縣志

卷九 藝文 記

三十八

膏腴萬頃粒我蒸民公像在堂公德感人望之儼然藹而
可親永蒞吾土八千為春食我農人穀我士女翼翼田疇
芄芃禾黍崇德報功在河之滸登公之堂願隨公處

鈕公恩德碑記

我

朝

列聖相乘重熙累洽四海昇平生齒殷繁各省興修水利廣斯

民衣食之源

天恩浩蕩浹髓淪肌衛邑河南白馬寺灘素稱沃壤時值明季

有紅柳溝兩處山水沖斷遂為曠工附近鳴沙等堡戶稠
狹居民屢建木槽渡水緣力微不能成功道憲鈕公上籌
國計下念民生經營相度雍正十二年春具詳上憲請造
環洞建飛槽開渠引水聞於

朝奉

旨報可遂親率屬員不避風雨於是年六月興工至九月間規
模已就次年復加修葺水過飛槽勢如建瓴人民雲集廬
舍星羅百年荒地盡成沃壤七星渠口逼近山河多鹹每
過驟漲溢入渠內寧安威武之地率皆生成蔓草荒灘淤

中衛縣志

卷九 藝文 記

三十九

泥壅塞鳴沙地畝得水維艱鈕公規畫地形於沙草灘下
建正閘逼迎河溜既避山水又暢渠流開墾新田咸皆霑
足工程總理則寧夏府郡憲顧公諱爾昌西路司馬吳公
諱廷元新寶水利別駕今陞寧夏水利同知費公諱楷辦
料則邑侯姚公諱廷柱分督學博張公諱琦縣幕吳公光
榮縣尉曹公思坤張公永芳陳公景鵬陳公天叙江公躍
龍顧公璉高公學敏鎮標部廳劉炳功加徐公鍾王公永
德周公文宗以三載之辛勤成萬世之樂利廣聖澤而沛

皇仁爰書以誌不忘云爾

文廟社學碑記

黃恩錫

古者國有學鄉有塾黨有庠術有序自虞夏商周以迄歷代莫之能易良以育人材明禮義厚風俗舍學無以化成於天下即舍學無以化成於一邑也中邑為沿邊之衝山分賀蘭之秀水發星宿之源地靈所鍾代傳忠義自元迄明戎馬烽燧中武畧時聞而設衛建學以來明一代無以科名顯者迨我

國家壽考作人加意文治超軼往昔其培養既深且厚雍正甲辰劉得炯馮飛雲并舉鄉闈自此科第繼起後先相望

中衛縣志

卷九 藝文 記

四十

己未會試王肇基劉霖同捷南宮文學遂盛於河西豈非振興鼓舞之所致與錫於丙子夏自湟中移宰是邦竊喜其風土人物為西陲富庶之區迥與他山邑異愈留心學校是秋上丁於典祀儀節祭噐品物詳為講求列陳設圖復於因公所至集鄉人士於社學禮貌而坐論焉其間雋秀之材立心向學者固不乏人而邊地習氣父兄之教子弟或重武而輕文者有之又或村師俗學罔知經史古文所課誦則濫本殘牘以寫倣字紙厚殼之沿為法守令人見而心憤者曾力闢而去之其他經書間為正其字畫句

讀出向年諸生□教書課蒙時之有所見者指陳而諄告之既至之次年遂於各堡社學舊有者振其廢本無者補其缺置學田以贍修脯延端士以立師說春秋稽其肄業之人朔望課以藝文之目迨丁丑夏奉檄改訂科場條例二場增八韻詩一首邊地於平仄聲韻素無講習知此者寔難得人復為之寫發唐人試帖於課試時口授而指示之雖歷歲軍需心弗敢懈偶有餘力課冊必手自評閱其生徒接見於論文外凡倫常日用立心制行之道必述所聞於先儒者與諸俊秀相講求而體驗之良以中邑之富庶科第之崛起已駸駸乎日盛矣凡我士民當此西戎即叙邊塞寧謐田賦歲蠲年稔時和愈含育於

聖明之休息教化可不父戒兄勉更肆力於學以孝弟忠信立

其本以禮讓敦睦厚其俗以學問道德進希聖賢以經濟文章翼贊太平俾文行兼資處可以化及於鄉出可以名立於世將邊邑也而比隆於齊魯錫於此竊厚望而樂觀厥成焉所有學舍學田思可繼於將來恐遺亾之莫據勒諸石因書以記之時庚□□八月上旬也

改建馮城溝環洞碑記

黃恩錫

余自礪邑調任中衛丙子夏始蒞視事越初秋山雨水漲白馬灘以衝塌紅柳溝環洞飛槽三十七丈餘具報又馮城溝環洞亦遭衝決僅存故址是時鳴沙及通灘民咸驚懼無措司馬伊公同余馳至勘查詳請 上憲估計補修紅柳環洞得蒙報可隨採石於棗園常樂之山至今丁丑年二月春融撥運赴工糾衆興作越兩月而槽洞告竣其馮城溝舊屬民修例不得動公項適郡太守童公查勘親至渠所伊司馬與余詳悉商度相率捐俸興修余得藉手

中衛縣志

卷九 藝文 記

四十二

捐資以効奔走督率之勞與諸父老永樂利之謀焉浹月而馬城環洞亦成依然慶安流分河潤於無窮矣嗟乎馮城紅柳兩環洞而下以四萬八千四百餘畝之正賦四十餘里千百家衣食命脉所係甚鉅民力既難而馮城之修又不得動公項使不急為之所將前觀察鈕公以及先民之櫛風沐雨策羣力而建馮城之工動公帑而創紅柳之渠者不幾於莫為之後乎余猥承 憲命繼修竭力與士民商辦衆咸踴躍從事凡受澤於七星渠水者胥輓石出夫奔走恐後共襄厥成以二月十二日起工於四月初告

設時士民請勒石以紀其概余因約其工費之數刻之碑
陰以告後之留心水利者

捐修廣武河防碑記

黃恩錫

廣武城東十餘丈即濱黃河舊於河岸砌亂石築土為隄蓋邑紳率同邑之士民捐金所築者已幾歷年所矣向日河流大勢東行歷年無患近三四年來侵汕西土岸地形既低於東岸山脚水勢強半注於西北日夜崩刷有衝射城垣之槩近城舊隄單薄日漸坍塌縣令黃恩錫以廣武城兵馬倉廩之地所關甚鉅二十四年春詳請補修舊隄以護近城於去城六七里之葛家橋河岸築迎水馬頭是年夏秋汛隨時修防免於患二十五年夏五月水大漲崩岸

中衛縣志

卷九 藝文 記

四十四

覆隄兵民震驚日夜守護乃以其狀通聞 各憲蒙 制府委 方伯陽湖蔣公親臨查閱時橫城亦被水沖陷城角工猶急於廣武方軍需告竣艱於動項遂飭詳以相近之白馬張恩渠口鉄桶協濟之用民力修補加築廣武沿河堤埝逮秋汛葛家橋支河忽淤水溜改沖賈家灘以下侵刷崩塌幾至官路 錫 乃於是冬倡捐物料率廣武及各堡民採石於山預脩蒲茨柴束柳椿土木各料詳借倉儲米麥五百石為近堡協濟夫役口食於辛巳二月十一日興工至三月底而工竣計自葛家橋淤河口築土石沙隄

四十一丈李家灣支河築截水隄一百七十五丈計下大埽若干其隄外包大石或貯石囤木籠底下碎石以防侵汕幫隄絮以蒲麥柳柴覆土堅築厚丈餘至八九尺不等方下埽堵河衆推一巨埽至岔河口稍北堅重不可移其餘埽因而向之相接成埽為一大攔水馬頭河口始截會舡工浮大石五艇適至工遂成衆咸謂若有神助焉其近城上至賈家灘尾下至董家灘止補修加築石土隄三百八十三丈外皆絮柴壘石固以椿中實以土新築大小迎水馬頭八幫厚土隄五六尺不等通計用石八千餘車蒲茨麥柴萬餘束木椿七千用夫一萬有奇其近隄樹以柳落成之日衆咸謂堅厚可久遠勝昔築廣武之保障從此數十百年矣於是即興工始末畧叙次之以勒諸石

續修七星渠碑記

鄭元吉

中邑之寧安堡西三十里有七星渠引水灌田其利溥哉
吉宰邑甫數月奈何有議於宰者曰渠淤塞而荒疏濬也
有訴於宰者曰渠疏濬而多觀望也有爭於宰者曰渠為
地居上游者防堵而水不暢流也嗚呼吾其何以盡心於
渠哉因進各堡老農數十人詢利弊僉曰水道綿長渠分
三段利於耕丁者廣新寧安堡地居上游以田近渠口水
灌其地者足故每年挑濬工費輒諉諸他堡人以為坐享
其利致起爭端故不得不訟於官也余悚然曰責不在民
中衛縣志

卷九 藝文 記

四十六

耳責之是誠在我於是輕騎減從出之郊步行數十畝之
地計畝派工計工科費水之散者聚之流之瀦者洩之墀
之傾覆者砌築而堅固之始猶於勸之外寓以懲也繼則
民樂利而忘其勞耳甫閱月而工已成渠水洋洋其流活
活計其沾溉之澤可利四萬餘頃迴憶耕丁之涉訟病農
今不已各竭爾力各佃爾田哉夫渠之所達曰新寧安堡
曰恩和堡曰鳴沙州堡曰白馬通灘前明天啓丁卯改修
於大中丞焦公我

朝雍正十二年疏濬於觀察鈕公然其脉絡之窒塞不常在居

民及時引導勿至觀望推諉積久而污穢之為患今雖支派已通堤埝不塌豈得曰防護之力可弛於一日耶然或用獨力而能效或藉衆力而始能效是在守吾教而勿廢吾法則惰者不惰勤者愈勤今而後無水澇無污萊田益充水益足又當和鄉黨以解爭睦隣里以息訟勿入公門各安爾業庶我四萬餘畝之戶以蕃其樹藝以長其子孫詩曰我田既臧農夫之慶村則比諸徐州之朱陳村可也田則北鄆州之新學田亦可也實於四堡有厚望焉

應理書院碑記

應理書院舊在南門起於司馬士鐸高公年月無可稽考嘉慶二十年乙亥前署宰周公又溪因堂楹狹隘議改建之捐買草廩吳氏舊宅一椽內院一講堂一外院一內外房舍共二十六間書院之規模遷自周宰始歲己亥守土於茲課士周覽垣墉嘆其漸就傾圮欲加修葺時余方經營

文廟學宮事宜遲遲尚未有及此逮今歲庚子冬然後將書院

整頓之所仍舊而增高其氣象者院內之講堂也院周圍

中衛縣志

卷九 藝文 記

四十八

之牆垣及院前之照壁也所重新而特加其改造者院之門戶院之房舍二十六間也庚子冬至辛丑春鳩庀既成頓改舊觀余夙心於是乎一慰也雖然院既成矣士可不及時勉乎夫書院偏天下以朱子鹿洞為最著余江西人也昔嘗游學其地尤私淑其教以上溯聖賢傳受之道朱子嘗言先王之教以明人倫為本所以漸摩誘掖鼓舞作成之者無非有以養其愛親敬長之心而教之以修己治人之術固不僅以其習於章句以為儒賢於流俗而自足也中衛邑去京師萬里風氣視中土為遲然山水甲雍州

余獨喜其俗不偷無奢靡無浮夸無僧道煽誘之習淫詞
邪說尚畫然不能闖入於其間使為士者皆能好學深思
力行待取敦於孝弟忠信禮義廉恥以為齊民之法通於
射御書數兵農禮樂以為用世之才經正民興化行俗美
一變至道其庶幾乎余修葺書院事已成而不能畧於論
學故脩序於此董理其役者舉人蓋竒文廩生呂開陽監
生張玉璣區畫盡善例得脩書其衆捐金錢之數則分泐
諸石俾後有稽焉

道光二十一年辛丑歲季春月下浣知縣鄭元吉撰

龍神廟碑記

張若敏

禮凡有德於民者則祀之而惟農田水澤之利其施於民者為尤溥中邑夾河而治決引灌溉據銀川之上游食德而飲和者千百年然廟祀不立典禮有缺抑亦政教之弗詳也歲丙子邑侯滇南黃公以名進士移守此邦始至之日常志於斯矣時軍役繁興民力重勞未及舉越明年富公攝西路司馬水利專職也首夏迎水祀神為壇於官渠橋之北阡曠野卑濕公慨然曰是豈足以迓

神休哉其特建祠維黃公亦曰其必特建祠爰是捐清俸計

中衛縣志

卷九 藝文 記

五十

規模商諸士民議建河渠

龍神廟邑之紳士遂羣相鼓舞樂勦其成焉面厥土之所宜來

故材之可因為正殿三楹東西廡六楹垣以周墻表以高閤土木葺除黜聖舟漆始工於戊寅之五月而落成於己卯之三月亦足以妥

神靈矣二公命為文以記之敏應之曰夫禮固緣情以起者

也中邑勢處邊塞土脉沙鹵歷代用武之地迄今兩河繡錯連阡士歌豳雅晨頌樂郊四方賓客舟車絡繹以至冠婚喪祭盡分竭情棗梨桑杏春華秋實佳哉沃壤亦何利

之溥而物之阜也使非藉澤星河挹注洪流其何能若是夫食德思報民豈無心而典祀之義未明亦因循而不克舉茲二公者特秩無文肇舉元祀向之平蕪磧礫剝削修飾期年之間巍然雲屯而霞起雖守土作吏推治民者以事神寔已舉數百年來人人之所斷斷未滿拳拳欲申者而一旦暢然其無憾矣廟既成奠且有日每歲四月立夏邑之文武官吏儼然造焉凡邑之力農而服田者咸盃酒豚蹄而從之名曰迎水之祭秋收報賽邑之文武官吏又儼然造焉邑之士庶亦庾億倉盈含鼓而從之名曰謝水

中衛縣志

卷九 藝文 記

五十一

之祭其將享之意明而誠其祀典之隆光以大殆所謂緣情以盡禮酌今而準古者矣夫豈猶尋常瀆神邀福徒侈梵宇宮觀之雄者哉是為記

餘慶堂捐建義學義田記

俞汝欽

今天下車書一統萬邦咸熙大凡書香世族子弟莫不閉戶潛修爭自琢磨上應

聖天子右文隆武之制間有孤寒不能延師肄業者

上命督撫大臣飭令郡邑有司設立義學考選學行兼優者延為師範啟迪童蒙毋怠毋荒定為有司考成賢否一則是

以寔心奉行師資公給弟免私修一切孤寒無告之人咸得奮志攻書將見野無遺賢濟濟廟堂雖其間不能盡登書升而稍讀詩禮明倫曉義自鮮悖逆為非之事久安長治之道端不外於教化興行也矣義學之設不綦重哉惟我廣武營壘汛守非郡非邑因無義學余先嚴大夫向鎮雲中奉

旨榮旋展墓日覩渠壩壅崩恐廢鄉人養命之源先刮已囊千金囑咐老成殷寔者董事修濬至今灌溉晏然未遑計及於教嗣陞楚提復諭余云吾鄉渠壩既固永無虞於養矣

中衛縣志

卷九 藝文 記

五十二

但有養不可無教今寄俸餘若干汝當即建義學一所揀置義田若干以資義師館俸仍備幣理延請通儒設帳後備具家報前來父善即子善也汝當遵行勿遲余遵即建學置田幣聘春元九峯高先生設帳斯館迄今數年漸有成名上進之士不負先大夫慤慤造就之雅但斯田斯館自捐之後已非俞氏所有永為廣武世代相沿之義學義田也誠恐世遠無稽或為無良侵占亦未可知特將學堂間架地基四至田畝分數坐落四至應納糧草一并勒石於左以便後之師斯館者輸賦耕田不吝循循善誘無墜

□大夫樂施樂育之義永感不朽惟憑是記計開捐建義學一所共房一十六間坐落本營城內義學俸田二段原
□趙安全田二十畝原買沈太全田二十畝鱣田二畝共
田四十二畝俱係附郭腴田坐落本營四郊地方

今天子御極之六年歲辛酉

勅天下禁止邪教凡聚會說法之場皆燬其象焚其書驅逐其人於是 縣父母錢公諱應榮遂改說法之場為讀書之舍此棗園社學所由來矣然學雖立尚空名無寔也嗣奉府憲 趙公命重整社學甫一載 趙公即解組去事遂不果行自是之後征糧積貯教讀之所又為倉廩之地何斯文振興如此其難也越乾隆丙子 邑侯黃父母移治應理夫 侯滇南名進士也甫下車即除河田賠賦雖值

中衛縣志

卷九 藝文 記

五十四

西陲多事軍興旁午挽運供給諸務叢集 公出其理繁治劇之才既毫無累於民且復捐清俸給館師修脯修社學凡口櫺戶牖墻垣以及館中肄業生徒所需案棹坐櫬皆為置之每月課試皆手自批閱苟非長才優裕孰能於擾攘之日而從容分理百廢俱興如此也歲庚辰春棗園社學置入無差糧田五十七畝遺愛千載永資膏火之費將登堂肄業者吾邑百世之子弟皆有以被其餘澤矣竊願後之服教而從學者互相勸勉以孝弟忠信為寔誼以經濟文章為英華庶無負此作人之雅意焉所有學田坐

落并勒之石以誌不朽

香山三蓬記

劉震元
生員 香山

物苟足以有用於人則雖所施不必博所濟不必衆而一鄉一邑之食其德者賴之以獲夫生全亦良有足多者中邑大河之南有香山廻環數百里於有明為慶府牧馬草場迨我

朝定鼎近民始計牛隻報墾從此穴居室處漸成村落遂有七十二水頭之名焉其山地土性宜麥豆菽苽燕麥之類間有種糜穀者所收殊薄此外無他樹植多旱少雨鮮泉

中衛縣志

卷九 藝文 記

五十五

流可資灌溉俗諺云三年小旱五年大旱非誕言也每荒旱則山民乏食惟官儲是賴然農婦牧子望升斗而不繼則有草食而芻求果腹者其草實之可食者有三惟綿蓬為最水蓬次之莎蓬又次之莎蓬僅堪飼牛人甚不得已而食之難下咽矣水蓬之楷可以炊其子多在衣中最細小食之之方淘以水五七次晒乾磨作麵食之食久則身多腥氣而面浮黃腫惟不至毒人於死而已綿蓬其苗可作菜當共未實鄉人多採之稍稍和以粟米煮而食之王結實其子大於水蓬形似胡麻而小黑每一葉含一粒本

未皆然食之之法始少濟以水碾之復淘以水如治水蓬然晒乾磨麵可蒸食亦可煮食較莎蓬為美較水蓬則不至面浮黃腫也歲熟人或取綿蓬和粟米釀酒可備吉凶禮謂之綿蓬酒然有年即不多產即出亦稀惟作菜食而已聞往昔康熙中歲大荒絕粒食山民之苟有子遺者皆恃三蓬為活今自己邠至庚辰災旱幾同於昔良有司雖申請發粟按月計口以賑而山民之衆亦復資蓬實以輔其所不給蓋蓬子以粟麥相和則食之幾無異於糧而旱則地亦多產遂有收入以數石計者彼蓬雖微物其有濟於山民之艱食者固可忽哉於是為之記以告夫司牧者吏知夫民食之艱云

君子之學所以明體致用扶持世教也朱子謂脩諸心以修諸身而後家國天下人各全其天事皆得其理可恃以久安而常治其義亦綦詳且著矣顧其功人人可勉而其權則操之有本以故自古聖君賢相莫不孜孜立學以務成天下之才吾堡屬在僻壤在昔頗稱淳厚淡泊父兄之所以為教子弟之所以為學率皆循循謹飭以不失乎孝弟敦睦之風然求所謂明體致用而盡乎學之分則尚未能窺古人之涯涘故漸流漸敝雖咕嗶之聲不絕於耳衣衿中衛縣志

卷九 藝文 記

五十七

之族爭耀於時而循循謹飭之風求如曩昔而不可得即文藝舉子業亦未有寔致其力於探討者無亦徒務夫學之名而不講夫學之實與

邑侯黃公滇南學者凡其所作本真性情發為文章敷為經濟事事皆為人心風俗計而猶以講學為先增建城堡社學八吾堡於己卯歲亦并建學於漢關侯廟側誠以關公之忠義氣節固得之性成而亦讀春秋者之得力居多則取法不遠也更為置本堡燕子窩灘田租息及堡門外市房租銀歲延師以教其堡之子弟

公於巡省所歷輒為諸人士指陳讀書窮理皆必切於日用期修身齊家以敦本而厚俗而經史詩古文詞之所以頌之學而課習之者皆以為此也月之朔望所課詩文皆手為批閱以示風勵殆所謂父母斯民不愧科名者矣堡社長張君宗齡與多士問記於余以圖不朽余固沐

公之教願學未能也因畧述學之所謂明體致用務口而不務名者用以發明公建學之意期與學者共勉焉若不求諸身心切近之地而第務為外飾以欺鄉愚之耳目則上之不能為國家有用之才下之不能鄉里風俗人心
中衛縣志
卷九 藝文 記
五十八
之寄即雕文鏤章亦浮飾無補豈惟負我

公振興實學之心而偏私貪競適以貽士林之羞矣謹識其概以質之諸君并勒學租銀項各款於碑陰以昭來茲

重刻關學編序

劉得炯

理學之著明於世天人之道也性命之原也此理人人俱足此學人人可為而卒鮮其人何哉蓋兩間之正氣不能不有雜氣以間之理也亦數也天無如人何人亦無如天何也然而秉懿好德人有同情故曰聖賢可學而至也其在易曰窮理盡性以至於命聖聖相傳心心相印如日月经辰之麗天毫髮不爽也如山河大地之流峙萬世不易也外乎此者為異學竊乎此者為偽學岐乎此者為雜學而貌乎此者為俗學學之途分遂將釀為世道人心之害

中衛縣志

卷九 藝文 序

五十九

聖人為一己正性命即為天下萬世開道統上世羲皇至二帝三王無論矣春秋戰國闢生民未有之竒深私淑願學之念而濂洛關閩越千有餘年而獨得其宗聖道之光大燦然復明於世自宋至明代有傳人至我

朝昌明正學學者咸知理學之為要而翕然向風無不仰慕前徽希踪徃哲冀得升其堂而躋其闕余讀關學編而深有感焉是編少墟馮先生之所著也先生諱從吾字仲好長安人也萬歷己丑進士自庶常入朝累有建白然艱於仕進生平篤志聖賢之學四方從學者千餘人稱關西天

子乃舉關中理學之可傳者集為一編自橫渠□夫子始
共三十三人將使前賢之學問源淵微之發明聖道顯之
立身制用卓然不愧為學者以昭來茲示典型而新安持
國余公序刊以傳世云獨是是編自明季至今百有餘歲
雖間有舊本而版籍無存恐遲之久漸滅殆盡後之人欲
覓是書而知其人奚從而知之余以寒羶薄植固望關閩
之門墻而不得入者雖然竊有志於斯道矣易曰西南得
朋從其類也邑中丁巳進士趙民蒲者與余同譜現任儀
隴縣知縣其學務實行居官識大體號為知交因郵寄書
中衛縣志

卷九 藝文 序

六十

約為同志捐銀三十金余亦捐俸數金重為刊刻焉夫四
書五經理學之淵源脩矣

國家垂為令典以丹鉛甲乙非徒記誦詞章取科第弋榮名
已也前君子以心入乎聖賢之心而心有同理後之人豈
不能以心志乎前人之志而與之同心哉並將少墟先生
入於集中而復齋王先生以布衣銳志學聖四十餘年不
出戶庭甘貧樂道所難能者亦續入焉以就正於有道之
君子噫學問之淺深性也功名之得失命也正心誠意以
修身主敬致知以力學而後性命一歸於正敢不折衷儒

先惟日孳孳以期共勉於諸君子之後哉

中衛縣志

卷九 藝文 序

六十一

書

上本府開採鉛洞情形書

乾隆二十一年 黃恩錫

本月初七日恭接憲札昨接蘭州府來札云中衛所屬之狼嘴七棵樹兩處洞口據委查章典史稟稱鉛砂俱旺亦無碍於山民田廬今奉代辦藩憲諄諄面諭以甘省重兵駐劄鉛觔最關緊要必得廣為開採務須查明據寔詳議以憑核覆切無以從前並無鉛砂具稟回覆等因夫以邊要駐兵之地需用鉛觔甚多廣為開採順天地自然之利佐軍務有用之需職敢不仰體憲指遵查開採以上體為

中衛縣志

卷九 藝文 書

六十二

國興利濟用之至意第查鉛洞試採旋採廢歷年并無成效此不得不先為據寔詳稟者按自乾隆十八年七月內有臯蘭縣民耿延禮等以卑縣香山狼嘴上下石棚貓兒頭嶺等處鉛苗大旺隨奉憲委靈州何吏目卑縣章典史帶同鉛商耿延禮等在於狼嘴貓兒頭嶺等處督商開採鉛苗微細寔屬挖空之洞該商等率意試開糜費工本并貓兒頭嶺等處所出鉛砂煎鍊無成隨將洞口填塞又狼嘴等處附近邊墻雖有鉛洞數處業成古洞且近邊塞恐做工雲集匪類混入滋事未便經前縣金令詳明禁止

在案又於乾隆十九年九月內有靖遠縣民張起統寧夏縣民黃開基等以卑縣香山小井溝土坡上下石棚貓兒頭嶺七棵樹等處所產鉛砂甚旺稟憲試採嗣奉前藩憲飭委惠安塩捕廳李及前縣金令帶同該商等親赴香山一帶踏勘貓兒頭嶺舊有鉛洞數處并無砂苗在七棵樹地方踏勘旋據七棵樹附近民人梁桐等以有碍民田墳墓且接壤靈州固原徇民雜處稽查易踈同聲稟阻嗣據黃開基等稟稱七棵樹地方砂苗旺盛經塩捕廳李前縣金會詳在於七棵樹試採一月所獲生砂僅百十餘斤煨

煉連石鉛十二三斤已属空洞鉛砂甚少其上下石棚竟無砂苗詳覆無效奉前府憲趙批飭督商委朔縣江典史在山開採二十餘日挖有六七洞深六七尺不等並未見有砂苗據稟該商等所稱砂旺不過如是別處情形亦復可知再奉批飭督該商又在於七棵樹左近搜採十餘日據江典史稟稱挖洞三處或六七尺一丈不等亦無砂苗俱係石頭等情經前縣會詳出鉛無幾不能多採詳請停工禁止開採在案前奉代辦藩憲飭查縣属香山等處出產鉛砂令即親赴該處確查有無違碍田舍墳墓據實詳

議卑職悉心查訪試採舊洞鉛苗微細難期有效今耿延禮等復行稟請開採及委員渭源縣張典史查驗狼嘴七棵樹鉛砂甚旺並居民願領現價開採卑職何敢以前詳拘泥但查歷年開採并無成效若率行詳報恐出鉛無多旋開旋止且附近居民田土不無荒擾之處亦屬未便所有鉛苗微細及前後開採情形據寔縷析稟陳伏候鑒核飭示

上各憲言河崩沙壓請除差糧書乾隆二年黃恩錫

竊查中邑自乾隆五年起至十五年止河崩共地四千零

中衛縣志

卷九 藝文 書

六十四

二十八畝七分一厘內賠納銀一十二兩一錢五分六厘三毫一絲內賠糧三百九石九斗九升七合二勺草一千二百八束六分一厘三毫前任內造冊請免嗣奉部咨凡有官荒地畝令其報墾撥補又陸續呈報自乾隆十五年起到二十一年止河崩沙壓地六千五百畝有零職到任之始即據各堡士民稟懇豁除差糧伏查地被崩壓賦役無著寔屬民累隨即留心確訪凡有墾種成熟隱匿未報地土俱令據寔首報共報出地一萬三千餘畝當經稟明督撫各憲批令履畝勘丈撥抵在案前自入春以來正值

辦理軍需台站協濟馬騾並渠道工程一切迨稍竣後卑職即會同委員西路廳履畝踏勘緣村落散渙田多畸零有需時日今自三月起至五月十五日止陸續將首報地畝逐畝勘丈雖皆受水澆灌耕種成熟而湖灘鰾潮其間瘠薄居其大半廣種薄收必照山地之利折數計畝為地雖多寔可承糧應陞科則者九千七十九畝二分職詳慎斟酌按計寔在可以承糧撥抵全田一百三十六畝四分零每畝征銀一厘糧一斗二升草三分共應征銀一錢三分六厘零糧一十六石三斗七升一合草四十束九分二分六厘零糧

中衛縣志

卷九 藝文 書

六十五

厘全蘆田一千七百九十二畝二分每畝征糧六升草三分共應征糧一百七石五斗三升二合草五百三十七束六分半蘆田一千八百六十九畝七分九毫每畝征糧三升草三分共應征糧五十六石九升一合二勺七抄草五百六十束九分全鰾田一千四百七十三畝六分七厘每畝征銀一分草三分共應征銀一十九兩一錢五分七厘草四百四十二束半鰾田三千八百七畝一分九厘九毫每畝征銀六厘五毫草三分共應征銀二十四兩七錢四分六厘零草一千一百四十二束一分通共應征銀四十

四兩四分九毫零糧一百七十九石九斗九升四合零草
二千七百二十三束七分六厘零職復將十五年以後民
間續報河衝沙壓之地細加查勘恐其中不無以少報多
之弊拘集地隣核對征冊勘出寔在衝崩地四千二百三
十畝內賠納銀二十一兩九分賠納糧二百七石六斗草
一千二百七十五束前後共應豁除銀三十三兩二錢四
分六厘零糧五百一十七石五斗九升七合二勺草二千
四百八十三束六分零除撥抵外下剩銀一十兩七錢九
分四厘草二百四十束一分再無抵補可墾餘地通計前

後衝崩地畝尚有賠糧三百三十七石六斗二合猶屬民
累縱有餘荒俱係鹺灘成廢難必之地不便遽為陞科只
可令其試種所有無可撥補之田糧伏祈 憲臺俯念民
艱核賜轉請 題咨豁除則邊氓戴德與河流並長矣

詳夏朔靈糧車直運京州上本府書丁乾隆黃恩錫

四月二十八日奉文撥運卑縣粟米六千石靈州粟米六千石飭令沿途短運接替至肅則夏朔二縣接送靈州之糧至廣武交卸卑縣撥車同中邑糧石併運至臯蘭縣屬之紅水地方交卸似亦勞逸均平而勢有難以短接轉運者查紅水及平番屬之阿壩嶺古浪之大靖土門等處俱因遠去縣城辦車不及是以前此十九年辦運羊肉乾即經臯蘭縣詳請令寧屬直運涼州今次撥運糧石卑縣既運中邑應理廣武棗園石空等倉粟米六千石其至涼有

中衛縣志

卷九 藝文 書

六十七

遠至七八百里外者即中衛縣城至涼亦復六百二十里又縣西四十里阻滯沙山車不能行必由河船拉至長流水之冰溝始能上岸推挽而長流迤西沙多路澁用車既多民力寔屬拮据卑職正費籌畫間旋接平古二縣關移阿壩大靖地處邊隅辦車維艱業已通詳又奉涼府憲檄飭令將靈中二處粟米直運涼州是其不能短運之處隣屬已經詳請而中邑出境口外各站不能接替所關匪輕查雍正年間轉運糧石皆係直運涼州是以援照通詳良以用車至三千餘輛非短運餉鞘軍裝等車不過一二百

輜者可比用敢條細縷陳希惟鑒察至辦運糧石應需口袋現在極力辦製車糧俱已陸續起運其車輛情形民間向俱輓運過涼州糧石尚屬踴躍從事理合併呈伏候鈔示

上各憲請建寧安倉就近征收額糧書 黃恩錫

竊查卑縣城鄉各倉歷年積貯各項糧二十一萬餘石久已廩房不敷典租民房及各寺廟借貯稽查難周恐致潮濕霉爛曾經具詳於城鄉添建倉廩業蒙批飭以靈州平羅二處請建倉廩奉部駁令於附近營汛搭估兵糧之處

中衛縣志

卷九 藝文 書

六十八

熟籌變通緣格前例未蒙允准卑職伏查開征在即倉儲關重除城鄉各倉稍有變通之處隨地佈值外惟廣武倉逼近黃河地多潮濕又征收本堡及新舊寧安恩和鳴沙張恩白馬通灘渠口鍊桶各堡額糧為數較多其歷年所貯餘糧典租民房借寄寺廟城小地狹城內城外逐處擇貯現在寔無變通之處即欲捐建數間而廣武小城兵民稠密并無隙地卑職再四籌畫查新舊寧安恩和三堡距廣武寫遠每歲納糧五千九十餘石係由船載計程七八十里水脚盤費民間輸納維艱緣諭商該堡士民惟舊寧

安原係大堡舊有公舍倉房三間再為捐建倉廩五間就近征收恩和寧安額糧該堡地勢去河較遠土性乾燥稍為設法變通寔於倉貯民力兩有裨益且地處適中即將來廣武本城支放兵糧或有不敷亦可隨時運濟不致阻遲卑職捐脩應需木料匠作工價一切其土塊牛車人夫等項民既樂從情願自脩除現在相度地基鳩工興修外事關捐建倉廩移收額糧理合脩聞

祥符縣五所鄉約公保軍河縣佐邦瑜趙丞呈稿
呈為懇恩急留異常賢佐加銜照舊任事以便萬民以利
地方事竊照保官之例似屬常套曾有保非輸心是以上
臺老爺不得不因其套而以為故事如今日祥符軍河縣
丞趙邦瑜者苦心偉績有利地方壽等寔出於真心之保
留也夫本官原以恩選授職自重出身途正即知清操自
持清軍而戒武有條治河而疏通安瀾委管科場行戶毫
無虧損理問批詞原被皆無怨言任事兩年一清徹底鄉
縣軍民歡聲雷震喜氣雲騰歌父歌母望之不啻泰山北

中衛縣志

卷九 藝文 書

七十

斗夫何報轉山西太原府候缺經歷在彼處以候缺之閑
職尚無可任之事在此地去一賢能地方大失其人當此
多事之秋三材並用勿論職之鉅細惟以廉幹賢能有利
地方民所欣悅者為真若本官者以清軍治河而推之別
政何事不能為何事不能任與其遠陞轉於無缺之地何
如就近加銜不惟本官益勵而更為振刷大有裨於浚儀
即壽等城鄉萬民得此仁佐更有福星之照矣伏望代天
老爺鑒本官之賢能憐衆民之寔留俯准題留加銜任事
一邑幸甚萬民幸甚矣